



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: _____
Datum: _____

PRIJEDLOG

Na osnovu člana 10. Zakona o cestama FBiH ("Službene novine FBiH", broj:12/10, 16/10 i 66/13), člana 8. Zakona o principima lokalne samouprave ("Službene novine FBiH", broj:49/06 i 51/09) i člana 14. Statuta Općine Tešanj ("Službeni glasnik Općine Tešanj", broj:11/07), Općinsko vijeće Općine Tešanj, na svojoj redovnoj sjednici, ____2016.g., donosi

ODLUKU
o gubitku statusa Javnog dobra-put

Član 1.

Utvrđuje se da je izgubilo status Javno dobro-put zemljište upisano u Izkaz I a označeno kao k.č.broj417/7 upisano u zk uložak broj:639 K.O. Tešanj površine 794 m2 a po novom premjeru zemljište označeno kao k.p. broj:103/1 upisano u PL 267 K.O. Tešanj I površine 794 m2.

Član 2.

Zemljišno knjižni ured brisaće izvršen upis zemljišta iz predhodnog člana kao nekretninu Javno dobro-put, a navedeno zemljište upisati sa pravom vlasništva Općina Tešanj sa dijelom 1/1.

Katastarski ured brisaće izvršen upis zemljišta iz predhodnog člana kao nekretninu Javno dobro-put, a navedeno zemljište upisati sa pravom posjeda Općina Tešanj sa dijelom 1/1.

Član 3.

Ova Odluka stupa na snagu narednog dana od dana objavljivanja u "Službenom glasniku Općine Tešanj."

**PREDSJEDAVAJUĆI
OPĆINSKOG VIJEĆA:**

Senad Subašić, dipl. oec.

Obrazloženje

PRAVNI OSNOV:

Član 10. Zakona o cestama FBiH ("Službene novine FBiH", broj:12/10, 16/10 i 66/13), član 8. Zakona o principima lokalne samouprave ("Službene novine FBiH", broj:49/06 i 51/09) i član 14. Statuta Općine Tešanj ("Službeni glasnik Općine Tešanj", broj:11/07).

RAZLOZI DONOŠENJA:

Članom 10. stavom 1. Zakona o cestama FBiH ("Službene novine FBiH", br. 12/10) propisano je dijelovi javne ceste koji nakon izgradnje i rekonstrukcije ne pripadaju novoj trasi ceste mijenjaju odnosno gube kategoriju javne ceste.

Općinskom Načelniku sa zahtjevom se obratio „Enker“ d.d. Tešanj, radi iniciranja pred Općinskim Vijećom, postupka promjene namjene parcele „nekategorisani put“ u gradsko građevinsko zemljište, označene kao 103/1 površine 794 m² PL 267 K.O. Tešanj I kojoj odgovara parcela 417/7 upisana u zk uložak 639 K.O. Tešanj. Predmetna parcela izgubila je namjenu 1981.godine kada je urađena regulacija korita rijeke Tešanjke i njeno izmještanje prema Čifluku, odnosno rješenjem o općem interesu izvršeno je izmještanje rijeke i izgradnja pristupnog puta za mjesto Čifluk i dva mosta na koritu rijeke, te se od tada predmetna parcela koristi za potrebe „Enker“ d.d. Tešanj i to dijelom kao parking a dijelom kao zelena površina uz koju je izgrađen potporni zid. Na predmetnoj parceli je izgrađena kanalizaciona infrastruktura, ulična rasvjeta, postoji ograda, potporni zid i asfaltirani dijelovi parkinga koji služi za potrebe „Enker“ d.d. Tešanj.

Na osnovu podnesenog zahtjeva, održana je usmena rasprava na licu mjesta, koja je održana u prisustvu zastupnika podnosioca zahtjeva, stručnog lica geodetske i urbanističke struke i općinskog pravobranioca.

U toku postupka provedena su i dokazna sredstva:izvršen uvid u PL 267 K.O. Tešanj I, z.k.ul.br.639 za K.O. Tešanj, te je pribavljeno Mišljenje općinskog pravobranilaštva i stručnog lica urbanističke struke.

Imajući u vidu naprijed navedeni zahtjev, kao i činjenicu da se predmetna parcela u naravi koristi dijelom kao parking prostor, prostor koji je asfaltiran a dijelom u naravi je zelenilo, odnosno da predmetna parcela nije put kako je navedeno u zemljišnoj knjižnoj evidenciji, sačinjen je Prijedlog ove Odluke i isti se podnosi Općinskom vijeću na razmatranje.

OBRADIVAČ:

Služba za katastar, urbanizam i imovinsko- pravne
poslove
POMOĆNIK OPĆINSKOG NAČELNIKA

PREDLAGAČ:
OPĆINSKI NAČELNIK:
OPĆINE TEŠANJ

NADIR Medarić, dipl. ing. geodezije

mr. sc. SUAD Huskić, profesor

Broj: 02-30-9-2169-16/16

Dana, 18.03. 2016.godine